



URED ZA REVIZIJU INSTITUCIJA BIH
КАНЦЕЛАРИЈА ЗА РЕВИЗИЈУ ИНСТИТУЦИЈА БИХ
AUDIT OFFICE OF THE INSTITUTIONS OF BOSNIA AND HERZEGOVINA

www.revizija.gov.ba



IZVJEŠTAJ O OBAVLJENOJ FINANSIJSKOJ REVIZIJI

AGENCIJE ZA ANTIDOPING KONTROLU
BOSNE I HERCEGOVINE
ZA 2023. GODINU

Sarajevo, maj 2024. godine



Sadržaj

I	MIŠLJENJE NEZAVISNOG REVIZORA.....	2
1.	MIŠLJENJE O FINANSIJSKIM IZVJEŠTAJIMA.....	2
2.	MIŠLJENJE O USKLAĐENOSTI	4
II	KRITERIJI KORIŠTENI U REVIZIJI.....	6
III	PREPORUKE ZA 2023. GODINU	7
IV	IZVJEŠTAJ O OBAVLJENOJ REVIZIJI	7
1.	PREDMET I CILJ REVIZIJE	7
2.	OCJENA REALIZACIJE PREPORUKA IZ PRETHODNIH IZVJEŠTAJA	7
3.	DJELOKRUG, ORGANIZACIJA I RUKOVOĐENJE	8
4.	SISTEM INTERNIH KONTROLA	8
5.	BUDŽET AGENCIJE ZA 2023. GODINU.....	9
6.	FINANSIJSKI IZVJEŠTAJI.....	10
6.1.	Pregled rashoda i izdataka iz budžeta	10
6.2.	Bilans stanja.....	10
7.	ZAPOŠLJAVANJE I STATUS ZAPOSLENIH (ANGAŽOVANIH) OSOBA	10
7.1.	Ugovori o djelu	10
8.	JAVNE NABAVKE	11
9.	KOMENTARI NA NACRT IZVJEŠTAJA	12
PRILOZI	12



I MIŠLJENJE NEZAVISNOG REVIZORA

Mišljenje nezavisnog revizora se daje na osnovu obavljene finansijske revizije koja obuhvata reviziju finansijskih izvještaja, i u vezi s istom, reviziju usklađenosti aktivnosti, finansijskih transakcija i informacija sa relevantnim zakonima i drugim propisima.

1. MIŠLJENJE O FINANSIJSKIM IZVJEŠTAJIMA

Mišljenje

Obavili smo reviziju finansijskih izvještaja **Agencije za antidoping kontrolu Bosne i Hercegovine** (u daljem tekstu: Agencija) koji obuhvataju: bilans stanja na 31.12.2023. godine, pregled prihoda, primitaka i finansiranja po ekonomskim kategorijama, pregled rashoda i izdataka po ekonomskim kategorijama, posebne podatke o plaćama i broju zaposlenih, pregled dinamike zapošljavanja, pregled stalnih sredstava u obliku stvari i prava, pregled kapitalnih ulaganja po vrstama i projektima, pregled doznaka iz tekuće rezerve budžeta, te analizu iskaza - tekstualni dio, za godinu koja završava na taj dan.

Prema našem mišljenju, finansijski izvještaji Agencija prikazuju istinito i fer, u svim značajnim aspektima, finansijsko stanje imovine, obaveza i izvora sredstava na 31.12.2023. godine, te prihode i izvršenje budžeta za godinu koja se završava na navedeni datum, u skladu s primjenjivim okvirom finansijskog izvještavanja.

Osnova za mišljenje

Reviziju smo obavili u skladu sa Zakonom o reviziji institucija Bosne i Hercegovine¹ i Međunarodnim standardima vrhovnih revizionih institucija (ISSAI)². Naše odgovornosti prema ISSAI standardima su detaljnije opisane u odjeljku *Odgovornosti revizora za reviziju finansijskih izvještaja*.

Nezavisni smo od Agencije u skladu s etičkim zahtjevima koji su relevantni za našu reviziju prema ISSAI 130 - Etički kodeks i ispunili smo ostale etičke odgovornosti u skladu s tim zahtjevima.

Vjerujemo da su revizionih dokazi koje smo pribavili dovoljni i odgovarajući da osiguraju osnovu za naše mišljenje.

Odgovornosti rukovodstva za finansijske izvještaje

Rukovodstvo Agencije je odgovorno za sastavljanje i fer prezentaciju finansijskih izvještaja u skladu s primjenjivim okvirom finansijskog izvještavanja na nivou institucija Bosne i Hercegovine tj. Zakonom o finansiranju institucija BiH, Pravilnikom o finansijskom izvještavanju institucija BiH i Pravilnikom o računovodstvu s računovodstvenim politikama i procedurama za

¹ Službeni glasnik BiH, broj 12/06

² Međunarodni standardi vrhovnih revizionih institucija (ISSAI) dio su Okvira profesionalnih objava Međunarodne organizacije vrhovnih revizionih institucija – IFPP okvira (INTOSAI Framework of Professional Pronouncements), koji čine tri nivoa objava: INTOSAI principi (INTOSAI-P), međunarodni standardi vrhovnih revizionih institucija (ISSAI) i INTOSAI smjernice (GUID).



korisnike budžeta institucija BiH. Ova odgovornost podrazumijeva i kreiranje, primjenu i održavanje internih kontrola koje su relevantne za sastavljanje i prezentaciju finansijskih izvještaja koji ne sadrže značajne pogrešne iskaze uslijed prijevare ili greške, odgovarajuća objelodanivanja relevantnih informacija u napomenama uz finansijske izvještaje, kao i odabir i primjenu odgovarajućih računovodstvenih politika i računovodstvenih procjena, koje su razumne u datim okolnostima.

Odgovornosti revizora za reviziju finansijskih izvještaja

Naši ciljevi su steći razumno uvjerenje o tome da li su finansijski izvještaji kao cjelina sačinjeni bez značajnog pogrešnog prikazivanja uslijed prijevare ili greške i izdati izvještaj nezavisnog revizora koji uključuje naše mišljenje. Razumno uvjerenje je visok nivo uvjerenja, ali nije garancija da će revizija obavljena u skladu s Međunarodnim standardima vrhovnih revizionih institucija uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prijevare ili greške i smatraju se značajnim ako se razumno može očekivati da, pojedinačno ili zbirno, utiču na ekonomske odluke korisnika donijete na osnovu tih finansijskih izvještaja.

Kao sastavni dio revizije, u skladu s Međunarodnim standardima vrhovnih revizionih institucija, stvaramo profesionalne procjene i održavamo profesionalni skepticizam tokom revizije. Mi također:

- Prepoznamo i procjenjujemo rizike značajnog pogrešnog prikazivanja finansijskih izvještaja, zbog prijevare ili greške, oblikujemo i obavljamo revizione postupke kao reakciju na te rizike i pribavljamo revizione dokaze koji su dovoljni i primjereni da osiguraju osnovu za naše mišljenje. Rizik neotkrivanja značajnog pogrešnog prikazivanja nastalog uslijed prijevare je veći od rizika nastalog uslijed greške, jer prijevare može uključiti tajne sporazume, krivotvorenje, namjerno izostavljanje, pogrešno prikazivanje ili zaobilaženje internih kontrola.
- Stičemo razumijevanje internih kontrola relevantnih za reviziju kako bismo oblikovali revizione postupke koji su primjereni u datim okolnostima, ali ne i za svrhu izražavanja mišljenja o uspješnosti internih kontrola.
- Ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorilo rukovodstvo.
- Ocjenjujemo cjelokupnu prezentaciju, strukturu i sadržaj finansijskih izvještaja, uključujući i objave, kao i da li finansijski izvještaji odražavaju transakcije i događaje na kojima su zasnovani na način kojim se postiže fer prezentacija.

S rukovodstvom komuniciramo u vezi sa, između ostalih pitanja, planiranim djelokrugom i vremenskim rasporedom revizije i važnim nalazima revizije, uključujući i one koji se odnose na značajne nedostatke u internim kontrolama koji su otkriveni tokom naše revizije.

2. MIŠLJENJE O USKLAĐENOSTI

Mišljenje

U vezi s revizijom finansijskih izvještaja Agencije za 2023. godinu, obavili smo i reviziju usklađenosti aktivnosti, finansijskih transakcija i informacija s relevantnim zakonima i drugim propisima.

Prema našem mišljenju, aktivnosti, finansijske transakcije i informacije Ministarstva za 2023. godinu u skladu su, u svim značajnim aspektima, sa zakonima i drugim propisima koji su definisani kao kriteriji za datu reviziju.

Osnova za mišljenje

Reviziju usklađenosti smo obavili u skladu sa Zakonom o reviziji institucija Bosne i Hercegovine i ISSAI 4000 - Standard za reviziju usklađenosti. Naše odgovornosti prema ovom standardu su detaljnije opisane u odjeljku *Odgovornosti revizora za reviziju usklađenosti*.

Nezavisni smo od Agencije u skladu s etičkim zahtjevima koji su relevantni za našu reviziju prema ISSAI 130 - Etički kodeks i ispunili smo ostale etičke odgovornosti u skladu s tim zahtjevima.

Vjerujemo da su reviziono dokazi koje smo pribavili dovoljni i odgovarajući da osiguraju osnovu za naše mišljenje.

Odgovornosti rukovodstva za usklađenost

Pored odgovornosti za sastavljanje i fer prezentaciju finansijskih izvještaja, rukovodstvo Agencije je također odgovorno da osigura da su aktivnosti, finansijske transakcije i informacije u skladu s propisima kojima su regulisane i potvrđuje da je tokom fiskalne godine osiguralo namjensko, svrsishodno i zakonito korištenje raspoloživih sredstava za ostvarivanje utvrđenih ciljeva, te ekonomično, efikasno i efektivno funkcionisanje sistema finansijskog upravljanja i kontrole.

Odgovornosti revizora za reviziju usklađenosti

Pored odgovornosti da izrazimo mišljenje o finansijskim izvještajima, naša odgovornost podrazumijeva i izražavanje mišljenja o tome da li su aktivnosti, finansijske transakcije i informacije, u svim značajnim aspektima, u skladu sa zakonima i drugim propisima kojima su regulisane. Odgovornost revizora uključuje obavljanje procedura, kako bi pribavili revizione dokaze o tome da li se sredstva koriste za odgovarajuće namjene i da li je poslovanje Agencije, prema definisanim kriterijima, usklađeno s relevantnim zakonima i drugim propisima.



Procedure podrazumijevaju procjenu rizika od značajnih neusklađenosti sa zakonima i propisima koji regulišu poslovanje subjekta revizije. Također, naša odgovornost podrazumijeva i ocjenu finansijskog upravljanja, funkcije interne revizije i sistema internih kontrola.

Sarajevo, 3.5.2024. godine

GENERALNI REVIZOR

Hrvoje Tvrtković, v. r.

**ZAMJENIK
GENERALNOG REVIZORA**

Nedžad Hajtić, v. r.

**ZAMJENICA
GENERALNOG REVIZORA**

Neda Močević, v. r.

II KRITERIJI KORIŠTENI U REVIZIJI

Ured za reviziju institucija Bosne i Hercegovine (u daljem tekstu: Ured za reviziju) obavio je reviziju finansijskih izvještaja i, u vezi s istom, reviziju usklađenosti. Revizija finansijskih izvještaja i revizija usklađenosti podrazumijevaju proces objektivnog prikupljanja i procjenjivanja dokaza, kako bi se utvrdilo da li su predmeti revizije, tj. finansijski izvještaji, kao i aktivnosti, finansijske transakcije i informacije, usklađeni s odgovarajućim kriterijima koji su sadržani u zakonima i drugim propisima. Kriteriji predstavljaju uporedne parametre koji se koriste kako bi se dala ocjena predmeta revizije.

Za obavljanje finansijske revizije korišteni su sljedeći kriteriji:

- Zakon o budžetu institucija BiH i međunarodnih obaveza BiH za 2023. godinu
- Zakon o finansiranju institucija BiH
 - Pravilnik o računovodstvu s računovodstvenim politikama i procedurama za korisnike budžeta institucija BiH
 - Pravilnik o finansijskom izvještavanju institucija BiH
 - Instrukcija o privremenom finansiranju institucija BiH za period januar - mart 2023. godine
- Zakon o plaćama i naknadama u institucijama BiH i podzakonski akti
- Zakon o porezu na dohodak i Zakon o doprinosima (FBiH i RS)
- Zakon o javnim nabavkama i podzakonski akti
- Zakon o državnoj službi u institucijama BiH i podzakonski akti
- Zakon o radu u institucijama BiH i podzakonski akti
- Zakon o upravi i podzakonski akti
- Zakon o reviziji institucija BiH
- Zakon o obligacionim odnosima (za dio koji se odnosi na ugovore o djelu)

III PREPORUKE ZA 2023. GODINU

U Izvještaju o obavljenoj finansijskoj reviziji za 2023. godinu data je jedna nova preporuka i odnosi se usklađenost.

IV IZVJEŠTAJ O OBAVLJENOJ REVIZIJI

1. PREDMET I CILJ REVIZIJE

Predmet revizije su finansijski izvještaji Agencije za 2023. godinu i usklađenost aktivnosti, finansijskih transakcija i informacija s relevantnim zakonima i drugim propisima.

Cilj je da se izrazi mišljenje o tome jesu li finansijski izvještaji pouzdani i odražavaju li bilansi u potpunosti rezultate poslovanja. Također, cilj revizije je procijeniti primjenjuje li rukovodstvo institucije zakone i propise i koristi li sredstva za odgovarajuće namjene, te ocijeniti finansijsko upravljanje, sistem internih kontrola i funkciju interne revizije.

S obzirom na to da se revizija obavlja ispitivanjem na bazi uzorka i da postoje inherentna ograničenja u računovodstvenom sistemu i sistemu internih kontrola, pojedine materijalno značajne greške mogu ostati neotkrivene.

2. OCJENA REALIZACIJE PREPORUKA IZ PRETHODNIH IZVJEŠTAJA

U prethodnom Izvještaju o obavljenoj finansijskoj reviziji Agencije (za 2022. godinu) Ured za reviziju izrazio je mišljenja i to:

- pozitivno mišljenje o finansijskim izvještajima i
- pozitivno mišljenje o usklađenosti

U Izvještaju za 2022. godinu su date preporuke u cilju otklanjanja uočenih nepravilnosti, nedostataka i slabosti. Utvrdili smo da je Agencija u 2023. godini od ukupno 2 prethodno date preporuke, realizovala jednu, dok je realizacije druge preporuke u toku. U nastavku je prikazan pregled ocjene realizacije prethodno datih preporuka.

Br. prep.	Ocjena realizacije preporuka iz prethodnih izvještaja	Status
1/2022	Agencija nije angažovala lica po osnovu ugovoru od djelu kao zamjena osobe na bolovanju.	
2/2022	Kako bi uskladila imenovanja radnih tijela i utvrđivanje visine njihove naknade sa odredbama Zakona o radu u institucijama BiH i podzakonskim aktima Vijeća ministara BiH, Agencija je u 2023. godini izradila Nacrt Odluke o osnivanju odbora za žalbe i saslušanje i visini novčane naknade za njihove članove. U toku su prikupljanja mišljenja nadležnih institucija na predmetni nacrt prije upućivanja Vijeću ministara na razmatranje i usvajanje..	

Status: realizovana preporuka, preporuka čija je realizacija u toku



3. DJELOKRUG, ORGANIZACIJA I RUKOVOĐENJE

Agencija je samostalna upravna organizacija utemeljena Zakonom o sportu BiH. Počela je sa radom krajem 2009. godine s ciljem da sistematski prati i koordinira aktivnosti, te predlaže i sprovodi mjere protiv dopinga u sportu.

Radom Agencije rukovodi direktor kojeg imenuje Vijeće ministara BiH na prijedlog predsjedavajućeg Vijeća ministara BiH.

Pravilnikom o unutrašnjoj organizaciji i sistematizaciji radnih mjesta na koju je Vijeće ministara BiH dalo saglasnost 25.06.2018. godine utvrđena je unutrašnja organizacija i način rada Agencije.

Dopunom Pravilnika od 18.05.2023.godine promjenjeni su uslovi za radno mjesto direktora Agencije. Osim toga uspostavljena su i dva sektora: Područje rada administracije, međunarodne suradnje i odnosa s javnošću (mjesto pomoćnika direktora je popunjeno) i Područje rada za doping kontrolu, prevenciju, edukaciju, istraživanje i razvoj (upražnjeno mjesto pomoćnika direktora). Planirani broj zaposlenih po Pravilniku je 13, a trenutno je zaposleno osam osoba.

Članom 55a Izmjena i dopuna Zakona o upravi definisano je da u slučaju prestanka mandata imenovanih rukovodioca, iz razloga koji nije istek vremena na koje je imenovana osoba, imenuje se vršilac dužnosti radi osiguranja nesmetanog funkcionisanja institucije. Vršilac dužnosti može biti imenovan za period koje ne može biti duži od tri mjeseca. Izuzetno, a radi sprečavanja nastanka štetnih posljedica za rad i funkcionisanje institucije, organ nadležan za imenovanje rukovodioca može donijeti rješenje o imenovanju vršioca dužnosti rukovodioca na još jedan period od tri mjeseca u naročito opravdanim slučajevima, kao što je slučaj kada postupak imenovanja rukovodioca nije okončan³.

Vijeće ministara BiH je u februaru 2023. godine razriješilo direktora Agencije⁴ na lični zahtjev te imenovalo vršioca dužnosti direktora na tri mjeseca i nakon toga produžilo mu mandat još dva puta po tri mjeseca. Ministarstvo civilnih poslova BiH je na prijedlog Vijeća ministara u toku 2023. godine raspisalo konkurs za izbor direktora Agencije, koji je neuspješno okončan. Krajem godine imenovan je novi v.d. direktora Agencije na tri mjeseca, zbog razriješenja dotadašnjeg v.d. direktora na vlastiti zahtjev. Nakon provedenog Javnog oglasa za izbor direktora Agencije, Vijeće ministara BiH je na 42. sjednici održanoj 12.3.2024. godine imenovalo direktora Agencije na mandatni period od četiri godine, počevši od 16.3.2024. godine.⁵

Nadležne institucije za imenovanje direktora Agencije nisu postupile u skladu sa odredbama Zakona o upravi.

4. SISTEM INTERNIH KONTROLA

Agencija je odgovorna za kreiranje, primjenu i održavanje internih kontrola koje su relevantne za pripremu i prezentaciju finansijskih izvještaja i usklađenost poslovanja sa zakonima i drugim propisima.

³Službeni glasnik BiH, broj 32/02,102/09 i 72/17

⁴ Imenovan 8.11.2018.godine na mandatni period od 4 godine

⁵ Službeni glasnik BiH, broj 21/24

Finansijsko upravljanje i kontrola:

Zakonom o finansiranju institucija BiH⁶, Priručnikom za finansijsko upravljanje i kontrolu te Smjernicama za provođenje procesa upravljanja rizicima u institucijama BiH uređena je oblast finansijskog upravljanja i kontrole. Radna grupa za uspostavljanje i razvoj sistema finansijskog upravljanja i kontrole imenovana je tokom 2023.godine. Radna grupa je u prethodnim godinama sačinila popis, mapu poslovnih procesa i registar rizika, međutim u tekućoj godini nije donesen akcioni plan za razvoj sistema finansijskog upravljanja i kontrole u skladu s Odlukom Vijeća ministara BiH⁷ niti je ažuriran registar rizika prema naprijed navedenim Smjernicama.

Godišnji izvještaj o sistemu finansijskog upravljanja i kontrole za 2023.godinu dostavljen je Centralnoj harmonizacijskoj jedinici BiH u predviđenom roku.

PREPORUKA 1

Preporučujemo Agenciji da blagovremeno usvaja akcioni plan razvoja sistema finansijskog upravljanja i kontrole za tekuću godinu i ažurira registar rizika u skladu s podzakonskim aktima koji definišu te oblasti.

5. BUDŽET AGENCIJE ZA 2023. GODINU

Zakonom o budžetu institucija Bosne i Hercegovine i međunarodnih obaveza Bosne i Hercegovine za 2023. godinu, Agenciji su odobrena sredstva u ukupnom iznosu od 814.000 KM (tekući izdaci 807.000 KM i kapitalni izdaci 7.000 KM)⁸.

Krajem godine u skladu s Instrukcijom Ministarstva finansija i trezora BiH⁹ izvršeno je usklađivanje budžeta za sredstva od naplate premije osiguranja vozila u iznosu od 1.351 KM. Prema navedenom, Agencija je u 2023. godini raspolagala sredstvima u ukupnom iznosu od 815.351 KM.

Agencija je izvršila prestrukturisanje rashoda budžeta koje je odobrilo Ministarstvo finansija i trezora BiH. Prestrukturisanje rashoda je izvršeno u ukupnom iznosu od 17.800 KM. Povećanje budžetskih pozicija se odnosi na ugovorene i druge posebne usluge (16.000 KM) i izdatke za tekuće održavanje (1.800 KM). Izvršeno je umanjeње sljedećih budžetskih pozicija: naknade troškova zaposlenih (12.000 KM), izdaci telefonskih i poštanskih usluga (600 KM), izdaci za energiju i komunalne usluge (400 KM), nabavka materijala (3.800 KM), iznajmljivanje imovine i opreme (1.000 KM).

⁶ "Službeni glasnik BiH", broj 61/04, 49/09, 42/12, 87/12 i 32/13

⁷ Odluka o usvajanju Strategije razvoja sistema internih finansijskih kontrola u institucijama BiH za period 2020-2025. godina (Službeni glasnik broj 43/20)

⁸ Do usvajanja budžeta za 2023. godinu, Agencija je raspolagala sredstvima odobrenim prema Instrukciji o privremenom finansiranju institucija BiH za period januar - mart 2023. godine, broj: 05-16-2-8338-2/22 od 28.12.2022. godine, koju je donio ministar finansija i trezora Bosne i Hercegovine.

⁹ Instrukcija o načinu realizacije i knjigovodstvenog evidentiranja poslovnih promjena servisiranja osiguranih motornih vozila te sredstava naplaćenih od osiguravajućih društava temeljem osiguranja od 25.3.2022.godine

6. FINANSIJSKI IZVJEŠTAJI

Agencija je sačinila Godišnji finansijski izvještaj za 2023. godinu i dostavila ga nadležnim organima i institucijama u skladu s važećim propisima i u utvrđenom roku. Na bazi Pravilnika o finansijskom izvještavanju institucija BiH Agencija je sačinila zabilješku bilansnih pozicija kao i obrazloženje rashoda za 2023. godinu. Analizom bilješki uz finansijske izvještaje konstatovali smo da su ista detaljno obrazložena po strukturi rashoda i bilansnih pozicija za 2023. godinu.

6.1. Pregled rashoda i izdataka iz budžeta

U pregledu rashoda i izdataka po ekonomskim kategorijama u periodu od 1.1. do 31.12.2023. godine, ukupno ostvareni rashodi iskazani su u iznosu od 691.681 KM, što je za 123.670 KM manje u odnosu na korigovani budžet za 2023. godinu.

Vrijednosno značajni rashodi odnose se na: bruto plaće (362.459 KM), nabavku materijala (34.474 KM) i ugovorene i druge posebne usluge (191.502 KM).

Pregled rashoda i izdataka iz budžeta prikazan je u Tabeli I u prilogu Izvještaja.

6.2. Bilans stanja

U bilansu stanja na 31.12.2023. godine iskazana su ukupna sredstva u iznosu od 27.775 KM. Ukupne obaveze s izvorima sredstava iskazane su u iznosu 84.174 KM.

Značajne stavke bilansa stanja odnose se na neotpisanu vrijednost stalnih sredstava (20.030 KM), kratkoročne tekuće obaveze (22.286 KM) i obaveze prema zaposlenima (34.113 KM).

Bilans stanja prikazan je u Tabeli II u prilogu Izvještaja.

7. ZAPOŠLJAVANJE I STATUS ZAPOSLENIH (ANGAŽOVANIH) OSOBA

Zakonom o budžetu institucija BiH i međunarodnih obaveza BiH za 2023. godinu Agenciji je odobreno je 9 zaposlenih.

Na 31.12.2023. godine Agencija je imala 8 zaposlenih koliko je iznosio i prosječan broj zaposlenih za koje su u 2023. godini isplaćene plate.

7.1. Ugovori o djelu

Izdaci za ugovora o djelu s 31.12.2023.godine realizovani su u neto iznosu 40.209 KM i veći su u odnosu na prethodnu godinu za 6.185 KM. Tokom godine na ovim poslovima angažovano je 28 osoba. Najveći broj angažovanih osoba odnosi se na vršenje doping kontrola (21 izvršilac). Preostali ugovori zaključeni su za isplatu naknada za rad članova Odbora za žalbe i Odbora za saslušanje u iznosu od 20.250 KM za godinu dana.

Agencija je prema članu 8. Antidoping pravila¹⁰ u BiH uspostavila Odbor za saslušanje koji se sastoji od pet članova (predsjednik i četiri člana) i Odbor za žalbe (predsjednik i dva člana)¹¹. Istim se kroz ugovor o djelu isplaćuje naknada u visini od 450 KM po riješenom predmetu kršenja antidoping pravila.

U izvještaju iz prethodne godine naveli smo da visina novčane naknade u iznosu od 450 KM nije definisana internim aktima Agencije i nije obuhvaćeno procedurom kojom Vijeće ministara BiH na prijedlog rukovodioca institucije, posebnim aktom utvrđuje visinu novčane naknade za rad.

U tekućoj godini Agencija je u cilju realizacije preporuke uputila akte Ministarstvu finansija i trezora Bosne i Hercegovine¹² i Uredu za zakonodavstvo Bosne i Hercegovine¹³ oko usklađivanja modaliteta Odluke o visini novčane naknade Odbora za žalbe i saslušanje. Nakon održanih sastanaka pokrenuli su konsultacije sa Svjetskom antidoping agencijom (WADA) budući da su oni glavni regulator za rad i donošenje odluka odbora.

Nakon toga izvršena je uporedna analiza i prikupljanje informacija o visini naknada ovih odbora u zemljama okruženja iz koje su stvoreni preduslovi za provođenje konsultacija sa zainteresovanom javnošću.

Dalje aktivnosti ogledaju se kroz upućivanje zahtjeva za mišljenje Ministarstvu finansija i trezora BiH¹⁴ i Uredu za zakonodavstvo BiH¹⁵.

Po dobijanju pozitivnih mišljenja Odluku će uputiti na usvajanje Vijeću ministara BiH.

Po pitanju utvrđenih nedostataka u prethodnoj godini smo dali preporuku (preporuka br. 2/2022). Prema gore navedenim informacijama ocijenili smo da je Agencija poduzimala aktivnosti na realizaciji date preporuke što će biti predmetom daljeg praćenja do konačne realizacije.

8. JAVNE NABAVKE

Agencija je objavila Plan javnih nabavki za 2023. godinu, kako je propisano Zakonom o javnim nabavkama¹⁶.

Prema prezentovanim podacima¹⁷, Agencija je u 2023. godini provela četiri postupka javnih nabavki. Od navedenog broja, Agencija je provela tri konkurentska postupka u vrijednosti od 54.528 KM i jedan postupak u skladu s Aneksom II u vrijednosti od 6.099 KM. Agencija je putem direktnog sporazuma izvršila nabavke u vrijednosti od 48.455 KM.

U revidiranim procedurama javnih nabavki nisu uočeni značajni nedostaci.

¹⁰ Navedenim Antidoping pravilima Agencija je dužna osigurati, svakoj osobi za koju postoji sumnja da je počinila kršenje antidoping pravila kao minimum, pravično saslušanje, u razumnom vremenskom roku, od strane pravičnog, nepristrasnog i operativno nezavisnog tijela za vođenje saslušanja sukladno Kodeksu i Međunarodnom standardu za upravljanje rezultatima

¹¹ Način rada odbora, prava i dužnosti članova odbora, način odlučivanja i akti odbora te druga pitanja od značaja za njihov rad regulirani su Poslovnikom o radu odbora.

¹² Akt br. 02-50-554/23

¹³ Akt br. 02-50-554-2/23

¹⁴ Akt br. 02-50-554-3/23

¹⁵ Akt br. 02-50-554-4/23

¹⁶ Službeni glasnik BiH, broj 39/14 i 59/22

¹⁷ Podaci iz tabelarnih pregleda sačinjenih za potrebe revizije



9. KOMENTARI NA NACRT IZVJEŠTAJA

Agencija u ostavljenom roku nije dostavila komentare na Nacrt izvještaja o obavljenoj finansijskoj reviziji za 2023. godinu, tako da ovaj Izvještaj predstavlja konačan izvještaj bez korekcija u odnosu na Nacrt izvještaja o obavljenoj finansijskoj reviziji za 2023. godinu.

Reviziju u Agenciji za 2023. godinu obavili su: Osman Paćuka - vođa tima, Lutvija Šrndić - član tima i Željko Ćavar - član tima.

**Vođa tima za
finansijsku reviziju**

Osman Paćuka, v. r.

**Rukovodilac Odjela za
finansijsku reviziju**

Nermin Hamzagić, v. r.

**Rukovodilac Odjela za
razvoj, metodologiju i kontrolu
kvaliteta finansijske revizije**

Mirsada Sijamić, v. r.

Broj: 03-16-1-635/24

Prilozi

Tabela I - Pregled rashoda budžeta za 2023. godinu

Tabela II - Bilans stanja na 31.12.2023. godine

Tabela III - Pregled prihoda i primitaka za 2023. godinu

Pregled rashoda budžeta za 2023. godinu

Agencija za antidoping kontrolu Bosne i Hercegovine

Tabela I

Opis	Odobreni budžet	Usklađivanja budžeta	Ukupni budžet	Izvršenje budžeta	Procenat (5/4*100)
1	2	3	4 (2+3)	5	6
1. Tekući izdaci	807,000	1,351	808,351	684,813	85
Bruto plaće i naknade	404,000		404,000	362,459	90
Naknade troškova zaposlenih	47,000	-12,000	35,000	22,929	66
Putni troškovi	40,000		40,000	19,425	49
Izdaci telefonskih i poštanskih usluga	22,000	-600	21,400	14,493	68
Izdaci za energiju i komunalne usluge	4,000	-400	3,600	3,555	99
Nabavka materijala	39,000	-3,800	35,200	34,474	98
Izdaci za usl. prijevoza i goriva	15,000		15,000	9,905	66
Unajmljivanje imovine i opreme	15,000	-1,000	14,000	13,281	95
Izdaci za tekuće održavanje	13,000	3,151	16,151	10,527	65
Izdaci za osiguranje	4,000		4,000	2,264	57
Ugovorene i druge posebne usluge	204,000	16,000	220,000	191,502	87
2. Kapitalni izdaci	7,000	0	7,000	6,868	98
Nabava zemljišta	0	0	0	0	
Nabava građevina	0	0	0	0	
Nabava opreme	7,000	0	7,000	6,868	98
Nabava ostalih stalnih sredstava	0	0	0	0	
Rekonstrukcija i investicijsko održavanje	0	0	0	0	
3. Tekući grantovi	0	0	0	0	
	0	0	0	0	
4. Budžet-neposredna potrošnja (1+2+3)	814,000	1,351	815,351	691,681	85
5. Višegodišnja kapitalna ulaganja	0	0	0	0	
	0	0	0	0	
6. Novčane donacije	0	0	0	0	
	0	0	0	0	
7. Programi posebne namjene	0	0	0	0	
	0	0	0	0	
8. Ukupno (4+5+6+7)	814,000	1,351	815,351	691,681	85

* Odluka o prestrukturiranju broj: 05-16-2-7365-2/23 od 24.10.2023. godine

*U skladu sa Instrukcijom o načinu realizacije i knjigovodstvenog evidentiranja poslovnih promjena servisiranja osiguranih motornih vozila te sredstava naplaćenih od osiguravajućih društava osnovom osiguranja Agencija je podnijela zahtjev Ministarstvu finansija i trezora BiH za povećanjem raspoloživih sredstava na ekonomskom kodu 613700 – „Izdaci za tekuće održavanje“ na ime tekućeg održavanja motornog vozila [1.351,36 KM].

Rukovodstvo je Pregled rashoda budžeta po ekonomskim kategorijama odobrilo 28. 2. 2024. godine.

v.d. RAVNATELJA
Nikola Čiča

Bilans stanja na dan 31.12.2023. godine

Agencija za antidoping kontrolu Bosne i Hercegovine

Tabela II

Opis	31.12.2023.	31.12.2022.	Procenat (2/3*100)
1	2	3	4
1. Gotovina, krat. potraživanja, razgraničenja i zalihe	7,746	10,891	71
Novčana sredstva	0	0	
Kratkoročna potraživanja	7,746	10,891	71
Kratkoročni plasmani	0	0	
Interni finansijski odnosi	0	0	
Zalihe	0	0	
Kratkoročna razgraničenja	0	0	
2. Stalna sredstva	20,030	25,697	78
Stalna sredstva	185,973	185,057	100
Ispravka vrijednosti	165,943	159,361	104
Neotpisana vrijednost stalnih sredstava	20,030	25,697	78
Dugoročni plasmani	0	0	
Dugoročna razgraničenja	0	0	
UKUPNO AKTIVA (1+2)	27,775	36,588	76
3. Kratkoročne obaveze i razgraničenja	64,144	92,110	70
Kratkoročne tekuće obaveze	22,286	49,038	45
Kratkoročni krediti i zajmovi	0	0	
Obaveze prema zaposlenima	34,113	35,327	97
Interni finansijski odnosi	0	0	
Kratkoročna razgraničenja	7,746	7,746	100
4. Dugoročne obaveze i razgraničenja	0	0	
Dugoročni krediti i zajmovi	0	0	
Ostale dugoročne obaveze	0	0	
Dugoročna razgraničenja	0	0	
5. Izvori sredstava	20,030	25,697	78
Izvori sredstava	20,030	25,697	78
Ostali izvori sredstava	0	0	
Neraspoređeni višak prihoda/rashoda	0	0	
UKUPNO PASIVA (3+4+5)	84,174	117,807	71

Napomena: Pravilnikom o finansijskom izvještavanju institucija Bosne i Hercegovine, čl.10. stav 4., napomenuto je da bilans stanja budžetskih korisnika **neće biti uravnotežen** (aktiva jednaka pasivi) zbog programski uspostavljenog sistema Glavne knjige, dok će bilans stanja koji radi Ministarstvo finansija i trezora na nivou Budžeta institucija Bosne i Hercegovine za tekuću godinu biti uravnotežen.

Rukovodstvo je Bilans stanja odobrilo 28. 2. 2024. godine.

v.d. RAVNATELJA

Nikola Čiča

Pregled prihoda i primitaka u 2023. godini

Agencija za antidoping kontrolu Bosne i Hercegovine

Tabela III

Opis	Planirani iznos u budžetu	Izmjene i dopune	Ukupno planirani iznos	Ostvareni iznos	Procenat (5/4*100)
1	2	3	4 (2+3)	5	6
1. Neporezni prihodi	20,000	0	20,000	26,701	134
Prihodi od poduzetničkih aktivnosti i imovine i prihodi od pozitivnih kursnih razlika	0	0	0	0	
Naknade i takse i prihodi od pružanja javnih usluga	20,000	0	20,000	26,701	134
Novčane kazne (neporeske prirode)	0	0	0	0	
2. Tekući transferi i donacije	0	0	0	0	
Primljeni tekući transferi od inostranih vlada i međunarodnih organizacija - donacije iz inostranstva	0	0	0	0	
Primljeni tekući transferi od ostalih nivoa vlasti	0	0	0	0	
Domaće donacije	0	0	0	0	
3. Kapitalni primici	0	0	0	0	
Kapitalni primici od prodaje stalnih sredstava	0	0	0	0	
Primici od finansijske imovine	0	0	0	0	
Primici od dugoročnog zaduživanja	0	0	0	0	
Primici od kratkoročnog zaduživanja	0	0	0	0	
4. Ukupni prihodi i primici (1+2+3)	20,000	0	20,000	26,701	134

Rukovodstvo je Pregled prihoda i primitaka po ekonomskim kategorijama odobrilo 28. 2. 2024. godine

v.d. RAVNATELJA
Nikola Čiča